

132-133

百廿之三
廿三



續文獻通考卷之一百三十二

王禮考 國恤下

皇太子喪禮

太祖洪武二十五年 上以 皇太子新薨欲停祭祀而
時享在邇復 命禮部右侍郎張智翰林學士劉三吾
等以郊 廟合行典禮參攷古制智等奏議天地社稷
先師太歲風雲雷雨嶽鎮海瀆諸神皆係祀典神祇歷
代帝王乃是紹承統緒宜如宋真宗事例不廢常儀惟
太廟乃 祖先神靈所在 國既有喪而時享仍用

樂恐神不樂聽亦宜備而不作 詔從之

世宗嘉靖十二年定哀冲皇太子祭葬儀 先是秋八月

二十五日 皇長子生 詔赦天下 皇長子 麗嬪

閻氏出十月十日以疾薨禮部議祭葬禮時查照成化

八年 皇太子薨事例謂 皇長子誕生甫及三月尚

未 冊立禮宜從殺 上曰朕長子既未 冊封况

聖母在上舊儀不宜用再着擬來看時尚書夏言查得

弘治九年二月二十日蔚悼王薨照依 憲廟皇子并

忻穆王薨事例輟朝二日祭祀壇數并殯葬儀宜照

成化二年 皇子喪禮行從之其禮儀從是月十三日

至十四日止輟朝二日不鳴鼓鐘 上御奉天門淺淡

服色從事文武百官青衣烏角帶朝參聞喪之日 御

祭及 昭聖皇太后 章聖皇太后 莊肅皇后并

中宮各祭一壇俱用素羞遣內官行禮朝夕仍設素饌

于柩前發引又 御祭及皇 太后 皇后 中宮各

祭一壇亦俱用素羞遣中官行禮及墓 上御祭一壇

亦羞素遣中官行禮翰林院擬奏封號并撰祭文壙誌

工部差官一員料墳塋享堂房屋等凡百日周年二周

年每次 御祭及 憲廟皇妃 昭聖皇太后 章聖
皇太后 莊肅皇后 武廟皇妃 中宮各祭一壇
公主共祭一壇 是月二十六日 勅禮部朕今歲仲
秋生第一子即五旬而亡雖在弱齡宜從重長昨巳即
內殿聞命于 祖宗皇考 冊以 太子之名加謚曰
哀冲以言其哀思冲弱之意 二十八年定 莊敬皇
子喪禮 一聞喪第四日成服 皇上遣祭一壇 母
妃祭一壇 裕王 景王共祭一壇 公主共祭一壇
內宮內使共祭一壇 東宮六局官共祭一壇 一文

武百官自聞喪次日爲始具素服烏紗帽黑角帶于本
衙門宿歇至第四日早具齊衰服不杖赴南城 明德
宮候大殮畢舉哀行四拜禮仍共舉祭一壇 一每七
百日 皇上遣祭一壇 母妃祭一壇 裕王 景王
共祭一壇 一自聞喪次日爲始輟朝不鳴鐘鼓十日
止 一聞喪第五日百官素服烏紗帽黑角帶詣 西
角門行奉慰禮退易布裹紗帽經帶麻履于各衙門辦
事通前成服日爲始十二日而除在京軍民人等各素
服十二日而除禁屠宰五日聽選辦事官吏監生僧道

者老人等俱于成服日赴順天府舉哀行四拜禮官具
衰服監生人等具素服 一翰林院撰文祭光祿寺辦
祭物 一各王府直隸各布政司等處禮部請 勅
差官訃告 一諸王及世子 王妃郡主以下聞訃次
日具素冠服舉哀行四拜禮畢服十二日而除 一在
外文武官員人等聞訃次日各具衰服舉哀行四拜禮
畢易素冠服經帶麻履十二日而除其各王府及天
下文武衙門俱免進香 一謚冊先期題請 欽定大
臣二員充正副使行翰林院擬請謚號撰謚冊文謚寶

文壙誌文祭告文并各衙門造辦謚寶壙誌欽天監擇
吉先期一日遣大臣告于太廟寢內侍官設 節

冊寶案于皇太子靈樞前至日早鴻臚寺設 節

冊寶案于奉天門稍東百官青衣黑角帶侍班

正副使各就拜位候序班舉 節冊案至丹墀中道置

定鳴贊贊行五拜三叩頭禮畢序班舉案正副使後隨

由左順中門至明德宮內侍預設素饌于皇太

子靈樞前正副使捧 節冊寶置于案就位上香

贊宣冊寶太常寺堂上官立宣訖復置于案贊禮畢

正副使捧 節復 命次日 勅諭禮部以 賜謚頒
示天下照例差官齋捧 一安葬先期擇日遣工部堂
上官祭告啓土 一發引先期 命大臣一員護喪一
員題 主各衙門堂上官題請各一員照例率領所屬
送喪欽天監差官二員前去候時工部搭蓋各處席殿
前一日起禁屠宰三日遣官一員以葬期告于 太廟
寢內命婦告于 孝烈皇后几筵及遣官祭告經過各
門橋司禮監錦衣衛官提督執事者設 靈輿謚 冊
寶輿并真亭儀仗于 明德宮門外設方相冥器于

北安門外以俟是晚 皇上遣祭一壇 母妃祭一壇
皇妃共祭一壇 裕王 景王共祭一壇 公主共
祭一壇俱遣內官行禮至日文武百官布裹紗帽素服
經帶麻履候于 北安門外步送至西直門外祭畢即
回其分送入山官員俱免辭 朝步送出西直門騎送
至墳所還日朝見護喪官并各執事冠服同啓奠遣奠
靈輿至墳所 皇上皆遣祭一壇護喪官行禮 路
祭文武官等衙門共祭一壇 皇親駙馬共祭一壇俱
西直門外席殿行禮祭畢而回其護喪官并墳所執事

官待葬畢回凡回還官員俱易烏紗帽青衣黑角帶次日以後常服辦事 一下葬 皇上遣祭一壇 母妃以下祭同前俱內侍官於將葬時行禮葬畢行贈禮如儀掩壙後 皇上遣祭一壇俱護喪官行禮掩壙畢題主官題 主訖護喪官獻酒贊讀祝禮畢安神 皇上遣祭一壇葬畢祀后土遣工部堂上官行禮 一百日期年每次 皇上遣祭一壇 母妃以下祭同前

穆宗隆慶元年加謚 憲懷太子 靖悼王儀 前期一日鴻臚寺官設 節案內侍官設 冊輿二并香亭於

皇極門東是日早遣官以 冊謚告 奉先殿 上具素翼善冠麻布袍腰經親告 世宗肅皇帝几筵各用祝文祭品如常儀至期 上仍具前冠服御 皇極門百官俱照常烏紗帽素服黑角帶入班行叩頭禮畢左右侍班遣官就拜位序班舉節案置於中贊五拜三叩頭禮畢序班舉 節內侍舉 冊輿香亭俱由左階降鴻臚寺奏禮畢 上還錦衣衛官校節 節 冊輿香亭由 午門等左門出 遣官隨行至墳園行禮太常寺先於墳園陳設祭品如常儀鴻臚寺設 節案于

享殿內正中 冊案二於左右設香案于節案前內侍
官設主案二於殿東置淨水刷子粉盞筆硯盥盆悅巾
等物候 節 冊輿至墳園由中門進至享殿前捧節
冊官捧由殿中門入各置於案導引官引遣官至香案
前上香贊宣冊宣冊官取 憲懷太子冊立宣訖仍置
于案贊宣冊宣冊官取 靖悼王冊立宣訖仍置于案
執事官隨舉主案于香亭前稍東西向題主官進至主
案前東立西向內侍官二員分詣神牀前跪啓謹請 憲
懷太子及 靖悼王神主敬用奉題內侍官各盥手捧

主安于案上洗磨舊字別塗以粉中書官重寫題主
官盥手各奉題訖內侍官奉 主各安于神座跪啓謹
讀 憲懷太子神靈上神主謹請 靖悼王神靈上神
主內贊贊遣官奠獻讀祝行禮如常儀禮畢內侍官啓
匱覆 主奉安于神座訖次日遣官持節復 命

親王喪禮 喪聞 上輟朝三日禮部奏遣官掌行喪
祭禮翰林院撰祭文謚冊壙誌文工部造銘旌差官造
墳國子監取監生報訃各 王府 御祭聞喪一壇牲
用牛犢羊豕餘祭止用羊豕 太皇太后 皇太后

東宮各一壇在京文武衙門各一壇七七下葬百日周

年二周年除服 御祭各一壇 下葬以上凡 御祭及東宮文武衙門二祭

總差侯伯一員行禮周年以下三 御祭各差行人一員行禮 太皇太后 皇太后二祭遣本府內官行禮

其祭物本布政司轉屬買辦冥器喪儀本處各該衙門

成造其初喪本國內禁屠宰三日禁音樂嫁娶至葬畢

乃止其封內文武衙門各祭一壇非封內者不弔祭發

引在城軍民會送其大小殮七七百日遷柩奠發引下

葬題主虞禮本府俱自有祭祀 其服制 王妃世子

眾子及 郡王郡主下至宮人俱斬衰三年封內文武

官員齊衰三日哭臨五日而除在城軍民俱素服五日

郡王眾子郡君為兄及伯叔父服齊衰期年 郡王

妃服小功五月

親王妃喪禮 喪聞 御祭一壇 太皇太后 皇太

后 中宮 東宮公主各祭一壇翰林院撰祭文壙誌

文工部造銘旌行布政司委官開壙合葬及轉屬買辦

祭祀品物 祭用 羊豕 國子監取監生報訃各王其冥器喪儀

本處各該衙門成造繼妃次妃祭禮同其夫人則 御

祭一壇俱造壙祔葬

公主喪禮 喪聞 上輟朝一日 御祭一壇 皇太

后 中宮 東宮各祭一壇各 公主共祭一壇翰林

院撰祭文壙誌文戶部給齋糧一百石工部造銘旌神

主魂帛棺槨墳壙誌石冥器儀仗順天府買辦麻布一

百疋及真亭綵卓長明燈油等物欽天監差官選地擇

日國子監取監生報訃各 王孝服花冠等件內府內

官監等衙門成造其七七百日周年二周年除服 御

祭各一壇下葬輟朝一日 上位 皇太后 中宮

東宮 公主各祭一壇 皇親命婦共一壇公侯伯都

督命婦共一壇六部等衙門四品以上官命婦共一壇

都指揮指揮命婦共一壇其啓土遷柩祖奠過門過橋

掩壙題主奉安神主虞祭各祭物俱光祿寺備辦

世宗嘉靖二十三年未封 公主喪禮 喪聞 賜封

御祭一壇 皇妃共祭一壇 裕王 景王共祭一壇

公主共祭一壇 涇簡王妃祭一壇 俱用素饌遣
內官行禮 欽

天監差官擇地并選出殯等項日期工部差屬官一員

造墳享堂等項破土祀后土遣大臣行禮發引 御祭

一壇 皇妃以下祭同前 俱用素饌遣
內官行禮 靈柩由東上

南門東上北門北中門北安門出各祭一壇內官行禮西直

門祭一壇太常寺工部內監官于墳所安設享堂各用

儀物俱行內府該衙門預行製造錦衣衛撥旗校擺路

教坊司撥女樂并樂人三百員名送至墳所 靈柩至

墳及下墓各 御祭一壇用素饌遣內官行禮掩土後祀 后土

并題 神主安神各祭俱遣大臣行禮百日周年二周年每次

御祭一壇 皇妃以下祭數同前俱用素饌內官行禮聞喪下

墓并免輟朝

郡王喪禮世子以下喪禮附 喪聞 上輟朝一日翰林院撰

祭文謚冊壙誌文工部造銘旌行人司差官掌行喪葬

禮國子監取監生報訃各 王其祭初聞喪 御祭一

壇 東宮一壇在京文武衙門各一壇七七百日下墓

周年二周年除服 御祭各一壇下墓以上諸祭總遣

以下遣布政司官行禮 本布政司委官造墳安墓及轉屬買辦祭

物祭用羊豕 冥器喪儀等本處各該衙門成造 郡王妃喪

禮與 親王妃同惟聞喪無公主祭一壇造墳合墓

郡王繼妃次妃喪禮俱與正妃同造墳附墓 今上萬歷七年更定 親郡王儀賓祭墓一體併革凡

經文獻通考 卷一百一十一
郡王將軍中尉郡縣主君墳價嘉靖四十四年議定俱免給 今更定 郡王墳價量給一半若係 帝孫者照舊全給其將軍以下並免 凡 親郡王將軍等葬俱世長子一人送至墳所當日即回 凡王葬妃及將軍等葬其妻得親至墳所看視一次當日即回 凡將軍病故無嗣者其葬許弟一人送至墳所當日即回 凡妃夫人病故無嗣者其葬許姪一人送至墳所當日即回 凡 宗室爲事送發高墻病故安葬在彼其女及壻願留供祀者鳳陽府月給衣糧三石 凡王府奏討

墳戶嘉靖三年准發附近民人二名看守 萬歷九年議准 親王每墳撥給軍校五名 郡王不許一槩濫給 凡親王致祭舊例遣侯伯給 勅行嘉靖四十四年議罷止差鄉寺五品以上官或禮部司官前去照行人差至郡王府給精微批不必請 勅

世子喪禮 聞喪 御祭一壇 東宮祭一壇七七百日下葬周年二周年除服 御祭各一壇 俱遣本布政司官行禮

翰林院撰祭文謚冊壙誌文工部造銘旌國子監取監生報訃各 王本布政司委官造墳安葬轉屬買辦祭

物冥器喪儀等本處各該衙門成造

長子喪禮 聞喪 御祭一壇下葬百日周年除服

御祭各一壇 自長子至中尉諸祭俱遣本府長史等官行禮 翰林院撰祭文本

布政司造墳安葬轉屬買辦祭祀品物

世孫喪禮 聞喪 御祭一壇 東宮祭一壇下葬百

日周年除服 御祭各一壇翰林院撰祭文布政司造

墳安葬轉屬買辦祭物 凡鎮國將軍喪禮與世孫同

凡輔國將軍喪禮無周年除服二祭餘與鎮國將軍

同 奉國將軍喪禮無下葬百日周年除服四祭餘與

輔國將軍同 凡鎮國輔國奉國中尉喪禮 御祭

各一壇鎮輔二中尉有司造墳安葬奉國中尉有司量

與造墳 凡世子妃世孫妃喪禮俱與郡王妃同 凡

郡主喪禮與郡王妃同惟無壙誌文 凡鎮國將軍夫

人下至中尉安人俱 御祭一壇造壙合葬 凡縣主

郡君縣君喪禮 御祭 中宮祭俱一壇造墳安葬鄉

君止 御祭一壇 自王妃至安人鄉君諸祭俱遣本府內官行禮 凡宗室庶

人并母妻喪所在有司會同該府教授等官於本處空

閑相應地內造壙葬之今革

累朝頒遺詔事例

太祖洪武三十一年五月甲寅 上不預聞五月乙酉召
齊泰受 顧命輔 皇太孫 上崩於西宮壽七十一
遺詔 皇太孫嗣位

成祖永樂二十二年七月己丑 上親征阿魯台班師
車駕次蒼崖戍 上不豫庚寅車駕次榆木川 上大
漸 遺命傳位 皇太子且云喪服禮儀一遵 太祖
皇帝遺制辛卯 上崩太監馬雲等以六師在外遠秘
不發喪密與楊榮金幼孜議喪事一遵古禮含歛畢載

以龍輦所至 御幄朝夕上食如常儀壬辰 龍輦次
雙筆峰楊榮等奉 遺命馳訃皇太子 八月癸卯朔
甲辰楊榮及 御馬監少監海壽至自行在致 大行
皇帝遺命 皇太子哭慟幾絕進榮等問故復慟哭
皇太孫 親王以下皆慟哭易服宮中設几筵朝夕哭
奠 皇太子命 皇太孫馳赴開平奉迎 大行皇帝
龍輦以 先帝所 賜東宮圖書親授之曰此 大行
皇帝初授我者今吾以授汝但有事來報 即用此識
之 皇太孫稽首受之遂行 皇太子命行營大小官

軍悉聽 皇太孫節制乙巳百官素服朝夕哭臨迎軍
中始發喪六軍號慟 壬子 皇太孫奉 龍輦及郊
皇太子親王及文武羣臣皆衰服哭迎至 大內奉
安于仁智殿 九月癸未禮部尚書呂震奏 太宗皇
帝遺命喪一如 太祖高皇帝倣漢制以日易月今已
踰二十七日請 上釋衰服烏紗冠素服黑角帶臨朝
上命六部都察院詳議以聞震與部院共奏宜素服
烏紗冠黑角帶羣臣皆從吉服 上曰梓宮在殯朕何
忍遽易自是臨朝素帶麻衣麻經朝退仍衰服 十二

月初 太宗班師疾作頓劇已而崩於榆木川中官馬
雲等皆倉惶莫知所措密召榮幼之入幕中榮等循古
制用衣衾殯斂或有欲以他事寫 勅用 寶遣人馳
報者榮曰 先帝在即稱勅賓天而稱獲罪非輕乃令
中官以 先帝崩逝月日并 遺命傳位之意具啓馳
報榮初抵京 上哀慟未及訪問至是有以爲言者遂
降 勅獎諭之

仁宗洪熙元年五月庚辰 上不豫召蹇義楊士奇黃淮
楊榮至思善門 命士奇寫 勅遣中官海壽馳召

皇太子辛巳 上疾大漸遺 詔天下傳位 皇太子
是日 上崩于欽安殿宮中以 皇太子未至未發喪
沐浴襲奠飯含如禮 六月辛丑 皇太子至自南京
頒遺 詔於天下

宣宗宣德十年春正月癸酉朔 上不豫乙亥 上崩於
乾清宮壽三十八 皇太子方九歲 祖母張太后取
金符入內浮言籍籍楊榮楊士奇哭臨畢請見 皇太
子即叩頭呼萬歲羣臣亦隨呼萬歲浮議乃息

英宗天順八年春正月 上不豫既而大漸 諭處後事

命太監牛玉執筆書之一曰 東宮即位百日成婚
二曰定 后妃名分三曰勿以嬪御殉葬四曰殯斂器
服從舊書畢 命玉持付閣臣潤色玉至閣李賢與陳
文彭時驚愴捧誦歎曰所言關大體非 上英明不能
及此而止殉一事尤高出古今真盛德事也十七日庚
午 上崩

憲宗成化二十三年八月庚辰 上不豫甲申 命 皇
太子暫視朝於 文華殿文武百官朝 皇太子如常
儀 戊子 上大漸召 皇太子至 命早即 帝位

敬 天法祖勤政愛民與凡 國事之切要者 誨諭
備至 太子頓首受命己丑 上崩壽四十一 遺詔
諭文武羣臣

孝宗弘治十八年五月 上不豫初六日昧爽司禮監戴
義出 左掖門急宣劉健李東陽謝遷入 乾清宮至
寢殿 上便服坐榻中健等叩頭 上令近前健等直
叩榻下 上曰朕承 祖宗大統在位十八年今年三
十六歲矣乃得此疾殆不能興故與先生每相見時少
健等曰 陛下萬壽無疆偶爾違和暫須調攝安得遽

爲此言 上曰朕自知之亦有天命不可強也因呼水
漱口掌御藥事太監張愉勸 上進藥不答 上又曰
朕爲 祖宗守法度不敢怠荒凡天下之事先先生每多
費心因執劉健手若將永訣者 上又曰朕蒙 皇考
厚恩選張氏爲 皇后生 東宮今十五歲矣尚未選
婚 社稷事重可亟令禮部舉行皆應曰諾時司禮太
監陳寬李榮蕭敬等皆至羅跪榻外 上曰授遺旨太
監扶案李璋捧筆硯戴義就榻前書之 上又曰 東
宮聰明但年幼好逸樂先生每勤請他出來讀書輔他

經文廣通考 卷之百三十一
做好人健等皆叩頭曰臣等敢不盡力健等遂出調
旨傳禮部行之初七日 上崩

武宗正德十六年二月 上不豫 三月十四日丙寅

上崩遺詔曰 皇考孝宗皇帝親弟 興獻王長子某
聰明仁孝德器夙成倫序當立遵奉 祖訓兄終弟及
之文告于 宗廟請于 慈壽皇太后即日遣官迎取
來京嗣 皇帝位

世宗嘉靖四十五年 月 世宗遺詔曰朕以宗人入繼
大統獲奉 宗廟四十五年深惟享國長久累朝未

有乃茲弗起夫復何憾但念朕遠奉 列聖之家法近
承 皇考之身教一念惓惓本惟敬天勤民是務祇緣
多病過求長生遂致奸人乘機誑惑禱祠日舉土木歲
興郊廟之祀不親朝講之儀久廢既違 成憲亦負初
心邇者天啓朕衷方圖改轍而遽嬰疾疾補過無由每
一追思惟增愧恨蓋愆成美端伏後賢 皇子裕王某
仁孝天植睿智夙成宜上遵 祖訓下順羣情即 皇
帝位勉修令德勿過毀傷喪禮依舊制以日易月二十
七日釋服祭用素饘毋禁民間音樂嫁娶 宗室親郡

王藩屏爲重不可輒離封域各處總督鎮巡三司官地方攸繫不許擅去職守聞喪之日各止於本處朝夕哭臨三日進香差官代行衛所府州縣并土官並免進香郊社等禮及朕祔塋祔享各稽祖恩舊典斟酌改正自即位至今建言得罪諸臣在者召用歿者卹錄見監者卽先釋放復職方士人等悉照情罪各正刑章齋醮工作採買等項但經勞費之事悉皆停止於戲子以繼志述事兼善爲孝臣以將順匡救兩盡爲忠尚體至懷用欽永命詔告中外咸使聞知

加謚儀

世宗嘉靖十七年加上太祖高皇帝高皇后謚號儀是歲上既尊皇天上帝泰號遂以其日加上皇祖謚號曰太祖開天行道肇紀立極大聖至神仁文義武俊德成功高皇帝高皇后謚號曰孝慈貞化哲順仁徽成天育聖至德高皇后恭上冊寶于太廟先期上親奏告于皇天上帝分命大臣告于北郊太社稷帝社稷翰林院撰祭告文太常寺辨牲醴如時裕儀命捧冊捧列聖主大臣八員司

設監設冊寶案四于奉天殿冊東寶西設冊寶綵輿四于丹陛上設香亭于冊寶輿前教坊司設中和樂大樂錦衣衛設鹵簿大駕并舉輿亭官校司設監及太常寺官設冊寶案于太廟神座前設上拜位于殿內正中至日上捧皇祖主中宮捧高皇后主助行亞獻文官四品以上武官三品以上命婦隨班列東西近西廡稍北障以帷幕俱先期由東安門入太廟候親王功臣設位西廡用酒果脯醢不奠獻是日文武百官先俱朝服於金水橋南東

西向立其陪祀文武等官各具祭服於廟街門北向立上冕服御華蓋殿鴻臚卿奏請行禮導駕官導上出至奉天殿內侍官捧各冊寶置於案鴻臚寺官舉案由殿中門出導駕官導上隨行至丹陛鴻臚寺官捧冊寶各置於輿內錦衣衛官督舉輿上乘板轎出奉天門降轎陞輅侍衛鼓吹如儀導駕官退冊寶輿至金水橋南文武百官皆跪候過輿隨至廟街門退冊寶輿入廟街門內陪祭官皆跪候過輿上至太廟門降輅冊寶輿至丹陛下太常

寺堂上官二員捧 皇祖冊寶內侍官二員捧 高皇后冊寶由中門入至 神御前東西向立太常寺導引官導 上由殿左門至寢殿 上捧 皇祖主 中宮捧 高皇后主出正殿陞座捧主官捧 列聖主去櫃東西向立典儀唱樂舞生就位執事官各司其事內贊奏就位典儀唱迎神樂作內贊對引官導 上至香案前三上香訖復位四拜傳贊同 典儀唱舉 冊寶樂作奏跪傳贊同 樂暫止捧冊官以 皇祖冊跪進于 上右 上受 冊獻訖仍授捧冊官捧冊官以 高皇后冊跪

進于 上左 上受 冊獻訖仍授捧冊官捧寶官以 皇祖寶跪進于 上右 上受 寶獻訖仍授捧寶官捧寶官以 高皇后寶跪進于 上左 上受 寶獻訖仍授捧寶官典儀唱宣 冊宣冊官二員以次跪宣訖置于案唱宣 寶宣寶官以次跪宣訖樂復作內贊奏俯伏興平身傳贊同 捧主官各恭捧 列聖主陞座典儀唱奠帛行初獻禮樂作內贊對引官導 上至神御前奏獻帛爵訖奏復位捧主官詣 各廟上香獻帛爵訖奏跪傳贊同 讀祝讀祝官讀訖樂作奏俯伏興平

身傳贊樂止典儀唱行亞獻禮樂作女官奏 中宮獻

太廟爵 皇妃八氏獻 八廟爵同初獻樂止典儀

唱行終獻禮樂作同亞獻儀樂止太常卿唱賜福胙 上飲

福受胙訖俯伏興復位奏四拜傳贊典儀唱徹饌太常

卿詣 神位前奏禮畢請 還宮內贊奏四拜傳贊捧

祝捧帛各詣燎位樂作樂止俱如常禮畢 上捧 皇

祖主 中宮捧 高皇后主太常并內侍官捧 冊寶

詣寢殿奉安捧主官捧 列聖主各詣寢殿奉安訖

上還宮大樂鼓吹振作 祝文 維嘉靖某年歲次某

月某朔某日 孝元孫嗣皇帝御名敢昭告于 皇祖

太祖開天行道肇紀立極大聖至神仁文義武俊德成

功高皇帝 孝慈貞化哲順仁徽成天育聖至德高皇

后曰適尊 聖謚宣獻既成奉 列聖帝后来賀 元

孫躬率 婦皇后方氏暨文武羣臣偕其命婦敬申祭

慶之情惟冀 聖神之鑒永享 尊稱大膺 洪號元

孫御名無任激切率籲之至尚 享 是歲 上肇舉

明堂大享禮乃告于 郊 廟 社稷以九月十一

日尊 太宗廟號為 成祖謚曰啓天弘道高明肇運

聖武神功純仁至孝文皇帝尊 皇考廟號為 睿宗
謚曰知天守道洪德淵仁寬穆純聖恭儉敬文獻皇帝
同日異時行禮 先期四日太常寺奏致齋太常卿同
光祿卿奏省牲如常儀次日司設監設大次于 南郊
外壇神路之東又次日 上常服 御奉天門錦衣衛
備隨朝駕 上至南郊即大次易服詣 園丘奏告文
武官例該陪祀者具祭服於南天門外陪拜其原遣
北郊 大廟 成祖廟 昭羣廟 穆羣廟 睿宗廟
社稷壇祭告官皆以是日具祭服行禮 先期一日

內侍官設 冊寶案四于 奉天殿 冊東 寶西設
冊寶綵輿四于丹墀內設香亭于冊寶輿前教坊司設
中和韶樂及大樂錦衣衛設鹵簿大駕并舉輿亭官校
司設監及太常寺官設 冊寶案于 成祖廟 睿宗
廟各神座前設 上拜位于 二廟殿內正中設其服
御幄于 二廟戟門左是日早免朝鐘鳴文武百官
具朝服于金水橋南東西向序立文官五品以上武官
四品以上六科都給事中 皇親指揮以下千百戶等
官各具祭服于 廟街門內北向序立 上冕服 御

華蓋殿鴻臚寺官奏請行禮導駕官導 上出至 奉
天殿內侍官捧各 冊寶置于案鴻臚寺官舉案由殿
中門出導駕官導 上隨行至丹陛下鴻臚寺堂上官
捧 冊寶各置于輿內 上出奉天門降輜陞輅侍衛
鼓吹如儀導駕官退 冊寶輿至金水橋南文武百官
皆跪候過輿隨至 廟街門退 冊寶輿入 廟街門
陪祀官皆跪候過輿 上至 太廟門降輅 冊寶輿
至 二廟門外太常寺堂上官四員捧 冊寶由中門
入至 神御前東西向立 冊東 寶西陪祀官先赴

成祖廟丹墀內東西序立太常寺導引官導 上至
成祖廟左門由殿左門入寢殿左門請 主出正殿
奉安訖典儀唱樂舞生就位執事官各司其事內贊奏
就位 上就位迎 主上香奏四拜俟 上至 冊寶
案前內贊奏進 冊寶捧冊官以 冊跪進于 上右
上受 冊獻訖仍授捧冊官置于案捧寶官以 寶
跪進于 上左 上受 寶獻訖仍授捧寶官置于案
內贊奏宣 冊太常寺官取 冊跪于 上右宣訖置
于案內贊奏宣 寶太常寺官取 寶跪于 上左宣

訖置于案俯伏興復位奠帛行初獻禮以後俱如常儀
禮畢上捧主太常寺官捧冊寶先行詣寢殿奉
安訖導引官導上出太廟門東乘板轎詣睿宗
廟上至廟門外降轎至戟門外太常寺導引官導
上由左門入上冊寶如成廟儀畢太常卿跪奏請
睿宗獻皇帝謁祖祔享遣官捧神主降座陞輿
祔享于太廟儀具升祔下祝文維嘉靖某年歲次某月
某朔某日孝元孫嗣皇帝御名敢昭告于成祖啓
天弘道高明肇運聖武神功純仁至孝文皇帝仁孝

慈懿誠明莊獻配天齊聖文皇后曰適元孫躬率羣臣
加上聖號既畢宣奉之禮用申燕賀之情惟我皇
祖永歆孝念尚享二十七年孝烈皇帝冊謚儀
先期遣官告于太廟用牲醴祝文如常儀是日上
常服御奉天門樂設而不作正副常服百官淺色服
黑色帶入班行叩頭禮畢左右侍班正副使入就拜位
贊四拜禮序班舉節冊案于正中置定正副使行
五拜三叩頭禮畢序班舉案行正副使後隨鴻臚寺奏
禮畢上還百官詣思善門外侍立節冊至右順

門正副使捧由中門入至殿陛上置于案內贊奏就位
上香贊宣 冊太常寺官取 冊立宣訖復置于案贊
禮畢贊百官行四拜禮退正副使持節復 命

穆宗隆慶元年進呈 尊謚議文儀 先是 勅諭文武

羣臣議上 尊謚至期前一日鴻臚寺官于 宣治門

設 謚議文案是日早 上具衰服 御宣治門捧

謚議官立于階之東文武百官各具素冠服詣丹墀贊

行四拜禮興禮部官出前跪奏進 尊謚議文奏畢復

位序班二員引班首官稍進前捧 謚議官以文授班

首官班首官受 謚議文由中道進將至 御前序班

贊進 尊謚議文 上起至 謚議文案之北班首官

進 謚議文置于案贊跪百官皆跪 上覽畢召翰林

院官趨至前跪 上以 謚議文授翰林院官 命撰

謚冊文翰林院官受訖捧從中道出 上復坐贊俯

伏興班首官與百官俯伏興班首官復位贊行四拜禮

畢序班徹案 上還

加謚頒詔儀

穆宗隆慶元年定先期鴻臚寺設 詔案于 皇極殿內

東錦衣衛設傘蓋于 皇極殿前至日早百官各具素服烏紗帽黑角帶于 承天門外伺候 上御中極殿具黑翼善冠白素袍黑犀帶執事官先行五拜三叩頭禮鴻臚寺官奏請陞殿導駕官導 上御皇極殿鳴鞭訖序班舉 詔立于左鳴贊唱頌 詔翰林院官以詔授禮部官禮部官受 詔置于案序班舉案由殿左門出錦衣衛用傘蓋迎至承天門上百官入班贊唱四拜稱有 制唱跪開讀訖再唱行四拜禮鴻臚官傳奏禮畢百官退 詔書迎至禮部授使者頒行天下 正

月十七日葬永陵

加謚并改題神主儀

穆宗隆慶元年定先期題請遣官持 節捧 冊寶詣陵園行禮并改題 神主 一先一日鴻臚寺設 節案內侍官設 冊寶與香亭俱于 皇極門東 一是日早遣官以加謚 孝懿皇后告 奉先殿 上具素翼善冠麻布袍腰經親告 世宗皇帝几筵各用祝文祭品如常儀至期 上仍具前冠服 御皇極門百官俱照常烏紗帽素服黑角帶入班行叩頭禮畢左右侍

班序班引遣官入就拜位序班舉 節案于 皇極門
正中遣官行五拜三叩禮畢序班舉 節 案內侍官
舉 冊寶輿香亭俱由左階降鴻臚寺奏禮畢 上還
宮錦衣衛官校接擡 節冊寶輿香亭由 午門左門
出鼓樂前導設而不作遣官隨行至 陵園行禮 一
是日太常寺先于 陵園陳設祭品如常儀鴻臚寺設
節冊寶案于 享殿內 節中 冊左 寶右設香
案于節案前內侍官設主案于殿東置淨水刷子粉盞
筆硯盥盆悅巾等物候 節冊寶輿至 陵園由中門

入至 享殿前捧 節冊寶官捧由殿中門入各陳設
于案內贊贊遣官就位贊上香贊宣 冊宣冊官取
冊立宣訖復置于案贊宣 寶宣寶官取 寶立宣訖
復置于案執事官隨舉主案于香案前稍東西向題主
官進至主案前東立西向內侍官至 神牀跪奏謹請
孝懿皇后神主恭用奉題內侍官盥手捧 主安于
案上洗磨舊字別塗以粉中書官重寫題 主官盥手
奉題訖內侍官奉 主安于 神座跪奏謹請 孝懿
皇后神靈上神主內贊贊遣官奠獻讀祝行禮如常儀

禮畢內侍官啓積覆 主奉安于 神座訖 冊寶收貯 享殿次日遣官持節復 命

祔廟儀

世宗嘉靖十七年定 睿宗獻皇帝祔廟儀 先期一日太常寺設牲醴于 太廟如時禘禮祭日司設監官設 睿宗獻皇帝神座衣冠於 孝宗敬皇帝位之次至日恭上冊寶于 睿廟畢遣官捧 睿宗主降座陞輿徐行 上先入詣 太廟寢捧 太祖主遣官捧 各廟主各奉安于 太廟 睿宗主輿至丹陛下太常卿

跪奏請降輿遣官捧 主至丹陛初登典儀唱樂舞生

就位執事官各司其事至 丹陛上門外唱迎神樂作

此樂歌唱二遍

睿宗獻皇帝謁 廟 上捧 主入就拜褥

上內贊奏跪太常卿跪奏 孝元孫嗣皇帝 御名躬奉

皇考睿宗知天守道洪德淵仁寬穆純聖恭儉敬文獻皇帝參拜內贊奏興拜五拜三叩頭禮畢捧 主朝

上立太常卿進立于東北西向唱 賜座安 主于座

訖內贊奏四拜 傳贊陪祀官同典儀唱奠帛行初獻禮樂作導

引官導 上至 太祖神主前奏措圭奏獻帛獻訖奏

獻爵獻訖奏出主奏復位 各廟捧主官捧帛爵詣

各廟獻訖奏詣讀祝位內贊奏跪奏讀祝官讀訖

奏俯伏興平身傳贊同奏復位樂止典儀唱行亞獻禮樂

作儀同初獻惟不獻帛讀祝樂止典儀唱行終獻禮樂作儀同亞獻樂止

太常寺卿進立西向唱 賜福胙內贊奏跪奏搯主光

祿寺官以福酒跪進內贊奏飲福酒 上飲訖光祿寺

官以福胙跪進內贊奏受胙 上受訖奏出主俯伏興

平身奏四拜傳百官同典儀唱徹饌樂作執事官徹饌訖樂

止太常寺卿詣 神主前跪奏禮畢請 還宮樂作內

贊奏四拜傳贊同樂止典儀唱讀祝官捧祝進帛官捧帛

各詣燎位樂復作內贊奏禮畢樂止 上捧 太祖主

遣官捧 各廟主捧 睿宗主各詣 寢殿奉 安上

易服還宮大樂鼓吹振作 祝文 維嘉靖某年某月

某日 孝元孫嗣皇帝御名敢昭告于 太祖高皇帝

孝慈高皇后 成祖文皇帝 仁孝文皇后 仁宗

昭皇帝 誠孝昭皇后 皇高祖考宣宗章皇帝 皇

高祖妣孝恭章皇后 皇曾祖考英宗睿皇帝 皇曾

祖妣孝莊睿皇后 皇祖考憲宗純皇帝 皇祖妣孝

貞純皇后 皇伯考考宗敬皇帝 皇考睿宗獻皇帝

皇兄武宗毅皇帝 孝靜毅皇后曰茲者恭上 皇

考廟號尊謚禮成爰奉 神主謁 祖祔祭迎延 列

聖同賜鑒歆謹此躬祭之誠以申合享之禮尚 享

十八年定 獻皇后祔廟儀 梓宮發引南祔至通州

即以其日題 主次日奉 神主入 慈寧宮 儀具喪禮下

俟南祔葬畢祔 廟先期太常寺奏祭祀請 欽命大

臣九員以祔享告于 太廟 羣廟八員候祭日捧

各廟神主 諭文武官及命嬪照例陪祭先期一日太

常寺官設牲醴于 太廟司設監設 神座于 睿宗

廟錦衣衛設儀衛于 午門外是日早內執事設酒饌

于 慈寧宮設衣冠于几筵前進 神主輿于殿前設

衣冠輿于 丹陛上內導引官導 上詣拜位奏四拜

興立于拜位之東西向內侍官詣 靈座前跪奏請

慈孝獻皇后神主降座陞輿詣 太廟祔享奏訖 上

捧 神主由殿中門出奉安于輿內執事官捧衣冠置

于輿後隨內侍擊繖扇如儀 上至 右順門具祭服

陞輅後隨文武百官具朝服于金水橋南跪迎 神主

輿候 駕過退文官四品以上武官三品以上陪祀命
嬪先由東安門入各就拜位東西近西廡稍北障以帷
幕 駕至 太廟南門 各廟遣官捧 列聖帝后主
以次奉安 上降輅詣輿前跪太常寺官奉請 慈孝
獻皇后神主降輿 上搢圭捧 神主出輿由中入內
侍官捧衣冠隨入至 廟丹陛上典儀唱樂舞生就位
執事官各司其事唱神樂作典儀奏 慈孝獻皇后
謁 廟 上捧 神主入內侍官捧衣冠隨入內贊奏
就位 上捧 神主就位安于拜褥上太常侍卿奏

孝元孫嗣皇帝

御名

躬奉

皇妣慈孝獻皇后祔

廟

參拜內贊奏五拜三叩頭禮

上捧

主朝上立太常

寺卿唱賜座

上捧

主安于

睿宗廟神座出圭復

位導引官導

上至香案前上香如儀復位奏四拜

贊傳

眾典儀唱奠帛行初獻禮

上至

太祖神位前獻帛

獻爵訖復詣

高皇后神位前獻爵復位

各廟俱捧

主官捧帛爵獻訖內贊奏讀祝讀訖俯伏興復位行亞

獻禮女官奏

中宮獻

太廟爵皇妃八氏獻

八廟

爵 上復行終獻如初獻禮異飲酒受胙以至徹饌送

神樂作樂止俱如儀禮畢飲上捧 太祖主各捧主官
捧 各廟主奉安于 寢殿捧 睿宗主官同內侍官
捧 慈孝獻皇后主奉安于 睿宗廟禮畢 上還宮
祝文 維嘉靖某年某月某日 孝元孫嗣皇帝 御
名謹昭告于 祖宗列聖帝后曰茲奉 皇妣慈孝貞
順仁敬誠一安天誕聖獻皇后神主升祔 廟享恭申
祇謁謹以牲牢醴齊粢盛庶品致祭伏維 尚饗
穆宗隆慶元年定 孝潔肅皇后祔廟儀先期內府該衙
門恭製 太廟及 廟寢內 孝潔肅皇后合用神座

儀物等項先一日遣官以升祔 世宗肅皇帝告于

太廟即以 孝潔肅皇后祔享同告是日執事官設酒

饌于 奉先殿西夾室內侍官設 神主與衣冠輿于

奉先殿左門外至期遣官以祔享告于 西夾室行

禮如常儀告畢內侍官以奏請 孝潔肅皇后詣 太

廟祔享奏訖恭捧 神主及內侍官捧衣冠俱由左門

出奉安于輿執事者擎執繖扇如儀至 午門內候

世宗肅皇帝神主至以次迎至 太廟南門外太常寺

官跪奏請 孝潔肅皇后神主降輿詣 太廟祔享內

侍官恭捧隨 世宗肅皇帝神主由左門入又內侍官捧衣冠隨入立于 世宗肅皇帝衣冠之次 上捧

世宗肅皇帝神主置于褥位訖內侍官捧 孝潔肅皇

后神主隨于褥位之右內侍官退 其謁 廟 賜坐等 禮儀俱與 世宗肅

皇帝 同行祭畢 世宗肅皇帝神主還几筵內侍官捧 孝

潔肅皇后神主奉安于 廟寢 其衣 冠同 世宗肅皇帝衣

冠奉安于 太廟俱第九室

改題神主儀

世宗改題 高廟神主先期 命題 主大臣二員翰林

院撰文太常寺備脯醢酒果如常儀司設監設題主案

于 太廟寢殿東西置淨水刷子粉盞筆硯設盥盆悅

巾中設香案是日早免朝鳴鐘文官三品以上武官公

侯駙馬伯 皇親指揮各具吉服于 廟街門北向序

立候 駕至陪拜 上具翼善冠黃袍乘板輿至 太

廟門西降輿太常寺導引官導 上由殿左門入寢殿

上就位上香一拜叩頭畢至 神牀前跪太常卿跪

奏謹請 皇祖太祖高皇帝 孝慈高皇后神主恭用

奉題 上詣 皇祖神主前捧 主安于東案上內侍

官詣 高皇后神主前捧 主安于西案上 上復就
拜位北向立內侍官各洗去舊字別塗以粉中書官重
寫題 主官東西向立奉題訖 上捧 皇祖主安于
座內侍官捧 高皇后主安于座 上跪太常卿跪奏
謹請 皇祖太祖開天行道肇紀立極大聖至神仁文
義武俊德成功高皇帝神靈上神主降殿奉享又跪奏
謹請 孝慈貞化哲順仁徽成天育聖至德高皇后神
靈上神主降殿奉享 上捧 皇祖主內侍官捧 高
皇后主導引官導出止殿陞神座 上就拜位唱迎神

內贊對引官導

上至香案前三上香訖奏復位奏四

拜

傳贊同

典儀唱奠帛行初獻禮導引官導

上至 皇

祖神御前

高皇后神御前各奏獻帛獻爵訖奏復位

奏跪

傳贊同

贊讀祝讀訖奏俯伏興平身

傳贊同

典儀唱行

亞獻終獻禮如儀太常卿詣

神御前跪奏禮畢請

還宮內贊奏四拜興平身

傳贊同

典儀唱捧祝捧帛各詣

燎位內贊奏禮畢

上捧

皇祖主內侍官捧

高皇

后主詣寢殿奉安訖導引官導

上出

太廟門西陞

輿還宮

祝文

維嘉靖某年某月某朔某日

孝元

孫嗣皇帝御名 敢昭告于 太祖開天行道肇紀立極

大聖至神仁文義武俊德成功高皇帝 孝慈貞化哲

順仁徽成天育聖至德高皇后曰元孫恭于此月之初

尊 皇祖聖謚禮成即擬拜書 神主元孫幼而弗慎

至疾決旬茲卜告期敢敬奉 主更題既虔爰申祭告

仰惟 聖慈攸歆尊事之誠永依萬世尚 饗

世宗改題 成祖 睿宗神主先期司設監設香案于

成祖 睿宗二廟寢殿神龕前設題 主案于東置淨

水刷子粉盞筆墨于上又設盥盆悅巾于東是日早免

朝鳴鐘文官三品以上武官公侯駙馬伯 皇親指揮

各具吉服于 廟街門北向序立候 駕至陪拜 上

具翼善冠黃袍乘板輿至 大廟門右降輿導引官導

入 成祖廟左門由殿左門入寢殿 上就位上香一

拜叩頭畢至 神床前跪太常卿跪奏請 成祖文皇

帝神主恭用奉題 上詣 神主前捧 主安于東案

上 上復就拜位北向立內侍官洗去舊字別塗以粉

中書官書寫題 主官盥手西向奉題訖 上捧安于

座跪太常寺卿跪奏請 成祖文皇帝神靈上神主降

殿奉享 上捧 神主導引官導出正殿奉安于神座

上就拜位典儀唱迎神導引官導 上至香案前三

上香訖奏復位內贊奏四拜傳贊同典儀唱奠帛行初獻

禮 上至 神御前奠獻訖詣讀祝位讀訖奏俯伏興

平身傳贊同奏復位典儀唱行亞獻禮同初獻不讀祝唱行終獻

禮同亞獻太常卿詣 神御前跪奏禮畢請 還宮內贊

奏四拜平身傳贊同典儀唱捧祝捧帛各詣燎位內贊奏

禮畢 上捧 主詣寢殿奉安訖導引官導出 太廟

門東乘板轎至 睿宗廟門降轎導引官導 上由殿

左門入行禮如 成廟儀禮畢 上還宮 祝文 維

嘉靖某年某月某朔某日 孝元孫嗣皇帝御名敢昭

告于 成祖啓天弘道高明肇運聖武神功純仁至孝

文皇帝 仁孝慈懿誠明莊獻配天齊聖文皇后曰爰

用是辰恭題 神主更書 御號奉慰安 神仰惟我

祖萬禩永依元孫無任瞻事之至謹告 睿宗祝文同

改孝元孫為孝子我祖為我考

奉慈殿忌辰祭服儀

今上萬歷四年題准凡郊 廟奏祭祀日遇有忌辰則移

前一日如致齋日內遇忌辰 上具常服百官具青綠
錦繡其正祭日遇忌者如祭在日間除臨時照常具祭
服行禮本日祭前祭後與致齋遇忌同如夜分祭畢是
日 上仍淺淡服色百官青衣角帶辦事

弘孝神霄二殿奉遷神主儀

今上萬歷三年定先四日早內監官請捧 孝烈皇太后
神主 孝恪皇太后神主洗滌重加粉飾中書官書寫
命大臣一員改題題畢仍暫奉安于神座先期內侍
官設 神主輿冊寶亭衣冠亭香亭各于 弘孝 神

宵殿門外錦衣衛備繖扇儀衛是日早免朝行請奉還
禮 上常服詣 弘孝殿門外太常寺導官 上由殿

左門入內贊奏就位奏上香奏三獻禮贊讀祝訖奏四
拜奏禮奉女官導 仁聖皇太后 慈聖皇太后以下

行禮畢復詣 神霄殿行禮如前司禮監官分請捧

孝烈皇太后神主 孝恪皇太后神主各置于輿捧用
寶衣冠各置于香亭 神主輿前行冊寶衣冠亭各以

次候 上陞輅隨行由後左門中左門 皇極門至

午門內 上降輅北立目送 二后神主輿行門闔

上陞轎還宮

嗣君即位

太祖高皇帝洪武元年上自壬辰起兵歷十有七年至是
戊申春正月乙亥即 皇帝位 詔曰朕惟中國之君
自宋運既終天命真人於沙漠入中國爲天下主傳及
子孫百有餘年命運亦終海內疆土豪傑分爭朕本
淮甸庶民荷 上天眷顧 祖宗之靈遂乘逐鹿之秋
致英賢於左右凡兩淮兩浙江東江西湖襄漢沔閩廣
山東及西南諸部蠻夷各處寇攘屢 命大將軍與諸

將校奮揚威武皆已戡定民安田里今文武大臣百司
衆庶合辭勸進尊朕為 皇帝以主黔黎勉狗輿情于

吳元年正月初四日告祭天地于鍾山之陽即 皇帝

位于南郊定有天下之號曰大明以吳元年爲洪武元

年是日恭謁 太廟追尊 四代考妣爲皇帝皇后立

大社大稷於京師以 冊寶立妃 馬氏爲皇后 長

子某爲 皇太子布告天下咸使聞知 十三年六月

庚子朔 詔受朝于正殿 三十一年閏五月辛卯

皇太孫即 皇帝位改元建文

建文帝四年六月丙寅 諸王及文武羣臣請正天位丁
卯諸將上表勸進戊辰 諸王上表勸進己巳 燕王
謁 孝陵還 御奉天殿即 皇帝位 詔曰昔我
皇父太祖高皇帝龍飛淮甸汎掃區宇東抵虞淵西踰
崑崙南跨交趾北際瀚海仁風義聲震盪六合肅爽閭
昧咸際光明三十年間九有寧謐宴 駕之日萬方嗟
悼煌煌功業恢于湯武德澤廣被至仁彌流姪允文以
幼冲之資嗣守大業秉心不孝更改憲章戕害諸王放
黜師保崇信奸回大興土木天變于上而不畏地震于

下而不懼災延承天而文其過蝗飛蔽天而不修德益
乃委政官官淫泆無度禍機四發將及于朕非得已也
使朕兵不舉天下亦將有聲罪而攻之者允文曾不反
躬自責肆行抵拒朕荷 天地 宗社之靈戰勝攻克
擣之于埧上殲之于白溝破之于滄州潰之于藁城鏖
之于夾河轡之于靈壁六戰已不國矣朕于是駐師畿
甸索其奸回庶希周公輔成王之誼而乃不究朕懷闔
宮自焚以自絕于 宗祖天地所不庇鬼神所不容事
不可已朕乃整師入京秋毫無犯 諸王大臣謂朕

太祖之嫡應天順人大位不可以久虛神器不可以無
主上章勸進朕拒之再三爰乃俯徇輿情已於六月十
七日即 皇帝位大禮既成所有合行庶政並宜兼舉
命府部等 諸司凡建文中所改易洪武政令條格悉
復其舊革除建文年號仍以洪武紀年稱洪武三十五
年 九月 詔諭四夷君長

成祖永樂二十二年八月丁巳以 嗣位遣官告 天地
宗廟社稷 皇太子躬告几筵即 皇帝位朝羣臣
大赦天下以明年為洪熙元年

仁宗洪熙元年六月庚戌 皇太子即 皇帝位文武百
官免賀免宣表止行五拜三叩頭禮遂頒 詔大赦天
下

宣宗宣德十年正月 皇太子即皇帝位改元正統

英宗正統十四年九月初六日 郕王即 皇帝位 尊

正統皇帝為 太上皇帝 詔赦天下改明年為景
泰元年

景皇帝景泰八年正月十七日 上皇復即皇帝位改元
天順 八年正月乙亥 皇太子即皇帝位改元成化

憲宗成化二十三年九月壬寅 皇太子即皇帝位改明年為弘治元年

孝宗弘治十八年五月十八日 皇太子即位詔以明年為正德元年

武宗正德十六年三月 上遺 詔取 興獻王長子嗣皇帝位丁卯司禮監太監韋霽壽寧侯張鶴齡駙馬都尉崔元 皇親邵憲大學士梁儲尚書毛澄捧 詔諭金符趨安陸藩府奉迎 戊寅遣迎官至安陸藩府上候迎門外至承運殿行禮開讀畢 上陞座藩府

及安陸州衛官侍班乃進金符 上親受之遣迎官遂行朝見禮賞賚有差 夏四月壬午 上辭 興獻王寢墓拜伏慟哭從官莫不感泣 癸未 車駕發安陸上不忍遽離 聖母嗚咽涕泣 聖母曰吾兒此行荷負重任慎無輕言 上對曰謹受教 駕行安陸民人老幼攀戀扈從內臣張佐戴永長史袁宗皋指揮駱安等凡四十餘人所過約束不擾至河南渡河有父老拿舟者曰昔我 聖天子初生之年此河清三百里者三日當時謂黃河清聖人出今果然矣 丁亥禮部員

外員楊應奎具合行禮儀途啓 上知此係楊廷和儀制郎中余才所擬請 上至京由東安門入居 文華殿次日文武百官于 文華殿朝畢三上箋勸請即位 候 今旨俞允擇日具儀壬寅 駕至良鄉 上覽禮部具儀謂袁宗皋曰 遺詔以吾嗣 皇帝位非為皇子此所具儀何謂也癸卯 上至京城外 御行殿楊廷和請 上由東安門入居 文華殿上箋勸進釋服登極 上遂從行殿受箋由 大明門入日中登極 詔天下以明年為嘉靖元年凡所開列一洗正德階

敝政薄海內外無不鼓舞快覩

世宗嘉靖四十五年十二月庚子 上還 乾清宮疾甚

明日崩是日內閣及文武大臣啓請 裕王入主喪事

王舉哀具黑翼善冠青布袍角帶由 東安門入內

外臣謹宿衛 作梓宮 辛丑小歛以 大行皇帝賓

天告 奉先殿報訃音于 宗室諸王 頒遺詔 壬

寅大歛 壬子 王即皇帝位改元隆慶明年正月上

崩謚 永陵

穆宗隆慶六年 月 日 皇太子即 皇帝位改元萬

歷

大臣喪葬儀

太祖聞中山王訃至被髮徒步往哭又親至龍江迎祭常
開平鄭寧河 國初優禮大臣如此 洪武二年六月
故征虜左副將軍中書平章軍國重事鄂國公常遇春
卒於軍訃聞 上命禮部議舉哀喪至龍江 上親出
祭之 勅葬鍾山之陰 給明器九十事納之墓 贈
開平王謚忠武仍王其三代後中山武寧王卒禮如遇
春蓋以二王為開國諸功臣冠故也自後 內閣首輔

卒於任者如贈太師楊士奇楊溥李賢彭時贈太保費
宏太傅李時恩禮最踴隆重然祭不過九壇齋糧麻布
五十石足而已

英宗天順二年奏准文武大臣官為造墳者夫故在前併
造妻壙妻故在前併造夫壙後葬者止令所在官司起
僧夫匠開壙安葬繼室則附葬其旁同一享堂不許另
造

武宗臨祭張英公懋每一奠酒其家進五百金凡九奠南
巡 幸新文僖第令胡僧造座懺悔

今上萬歷十年六月故太師吏部尚書 中樞殿大學士
張居正卒於位 上賜齋壇麻布五十箇筒十足米二
百石香燭油薪稱是又與 仁聖 慈聖兩宮 潞王
共賻白金二千三百兩 兩宮復 賜齋糧米麻布二
百疋香燭油薪有差祭九壇外加七壇大約視 親王
及國公之加師傅者贈上柱國謚文忠遣官會布政司
營墓仍 命京堂四品官錦衣衛堂上官各一員護喪
其子嗣修等辭謝疏上 上曰朕念先生承 先帝顧
命鞠躬盡瘁歿而後已忠勞可憫他還有高年之母在

京着差司禮監太監陳政護送還鄉馳驛前去然未幾
奪其官并追一切 恩典

歷朝事例

武宗正德十二年奏准凡內臣病故乞葬者務查本官歷
年深淺有無勤勞應該造墳或蓋享堂碑亭者定與等
第照例奏請不許一槩妄行比乞

世宗嘉靖六年奏准職官造墳開壙工料價銀一品共計
價銀三百兩夫匠二百名每名出銀一兩二品共計價
銀二百五十兩夫匠一百五十名每名出銀一兩三品

共計價銀二百兩夫匠一百名每名出銀一兩未經考
滿者價銀夫匠減半給領開墾者不分品級崇卑止與
夫匠五十名如有一府一州一時造墳數處在各省者
聽本布政司官在直隸者聽撫按官酌派鄰近府州通
融區畫病故大臣果有功德昭彰聞望表著公私無過
者禮部擬奏差官造葬以示優崇并四品五品官員奉
特旨 賜葬者聽本部臨時斟酌奏請定奪 二十
七年奏准今後大臣病故例該造葬者其奏討差官有
果合例本部方與題請如或例有未合止行各司府委

官照依品級造葬

今上萬歷六年更定 凡文官三品以上不論已未考滿

其各父母妻必曾授本等封俱照例祭葬四品本身及
父母皆止一祭無葬而出自 特恩者不拘 凡一品

父母妻已授本等封於例祭外父母有加祭二壇者正德

十年妻有加祭一壇者弘治十年例 特恩取自 上

裁陳乞者不得輒援為例 凡三品官曾經考滿者祭

一壇全葬未經考滿者祭一壇減半造葬正德六年例 其以

侍郎兼學士贈尚書者祭二壇不拘已未考滿給與全

葬或兼官雖同非係贈尚書者止給與本等卹典不得
槩援為例 凡致仕養病終養聽用等項官員祭葬俱
與見任官同革職閑住及先曾為事謫戍過蒙 恩詔
辯復原職者祭葬俱不准給 凡文官二三品共實歷
三年以上者雖未考三品滿父母准與三品祭葬三品
四品共歷三年以上者雖未考滿四品父母准祭一壇
若未及三年者不准 正德九年例 其有未及三年而過蒙
恩詔父母已授本等封及父母先授外封後任京職考
滿例不重封者俱照品級 給與應得祭壇 嘉靖二十八年例

凡三品以上官有被劾致仕及先被劾冠帶閑住復

奉

特旨復職者俱照例與祭葬

洪治十年嘉靖二十七年例 若罪

過昭彰公論並棄者不拘見任致仕等項俱不准給其
被劾閑住過蒙 覃恩槩復職致仕者亦不准給被劾
聽勘未明病故者務稽考其平生履歷人品高下功罪
重輕議擬奏請定奪 凡公侯伯為事未經勘實身故
者其妻封雖未追奪亦從夫例止與祭一壇 凡左右
都督都督同知都督僉事管府事及在外總兵病故者
俱祭六壇照例造葬都督同知以上不分真署一體

給祭葬署都督僉事止祭一壇不得妄援 凡興都正
副留守俱祭一壇 凡以死勤事若抗節不屈身死綱
常者犯顏諫爭身死國是者執銳先登身死戰陳者危
城固守身死封疆者諸如此類開其實跡卹典取自
上裁其或城池失守戰陳敗衄以致殞命者不許一槩
議給

十二年續定 凡公侯伯掌府坐營總兵加 太子太
保以上者必查前項官銜因何加授果以勲勞進秩方
許照會典公侯祭十六壇伯祭十五壇之例如係因事

加 恩功業未副者止照勲臣二等事例與祭七壇其
有不願坐營管府懇疏乞休者查其平生有功無過俱
照見任優卹 凡三品以上致仕官其雅負時望懇疏
乞休者照見任例 給與應得祭葬如被劾致仕及考
察自陳致仕者二品曾經考滿祭葬准全給未經考滿
者祭照舊葬價減半三品曾經考滿祭照舊半葬未經
考滿者有祭無葬四品雖經考滿亦不准祭其被劾自
陳官員有日久論定原無可議者仍照舊給與祭葬父
母妻曾授本等封者應得卹典亦視本身致仕緣由以

爲差等不得濫給 凡三品以上被劾聽用聽調官員
祭墓俱照今擬被劾自陳致仕官遞減之例如公論已
明人品無玷仍准全給聽勘未明官員有陳乞卹典者
仍行原勘撫按衙門查明無礙應否量給臨時題請定
奪如果有顯過爲公論所不容無論聽用聽調聽勘徑
照閑住例俱不准給其父母祭墓亦稽其子功過以爲
差等 凡京官三品陞四品者不拘四品已未考滿俱
照三品未考滿例祭一壇半葬父母曾授三品封者與
同授四品封者止祭一壇其原以三品降調後歷陞四

品者止照四品例不得妄行陳乞 凡三品父母曾授
本等封者無論亡故先後一視其子以爲差等其已經
考滿者祭墓全給未經考滿者祭一壇減半造墓 凡
文官二品三品共歷三年以上者雖未考三品滿其父
母曾授四品五品封准與三品祭墓三品四品共歷三
年以上者雖未考四品滿其父母曾授五品封准祭一
壇其未經授封及止授六七品封者不得援以爲例凡
三品官本生父母有值 覃恩乞以本身應得 誥命
移封者身後量給祭一壇其授二品封者量給半墓凡

二品三品文臣曾經 賜葬者妻故在後俱許祔葬惟
授封夫人者例 給開塋價其餘不給若妻先故者除
已封夫人照例祭葬外其餘候夫故之日祔葬 凡管
府及總兵都督僉事止與祭四壇照品造葬其陞署都
督同知者如之若由署都督僉事陞署都督同知者與
祭二壇減半造葬 凡留守正副親軍衛分都指揮使
等官贈都督同知者於本級上加祭一壇減半造葬
凡三品以上文官父母曾授本等封而子先亡故者萬
歷元年題准查無違礙仍與應得卹典若被罪削籍本

身原無祭葬父母雖經授封亦不准給 凡大臣父母
先後病故者萬歷三年題准如父先以三品封 給祭
葬其母後封一品夫人開塋合葬者准行工部量給增
造工價以足一品之數 凡公侯襲爵未謝 恩病故
者萬歷二年議准照伯襲爵未久例與祭一壇造葬

卹典萬歷元年題准兩京大臣病故應得卹典
如見任公差於外者許各差撫按官勘明具奏其在家
致仕養病給假等項病故者各地方有司具本官履歷
緣由及病故日期申報撫按衙門覈實季終類奏中間

果有行業超卓公論共推及罪過昭彰公論共棄者據實開列聽禮部議覆若夫臣見在不拘見任致仕其父妻曾授本等封病故者許照例自行請乞其致仕在家等項子孫微弱官司之外不為代奏者亦許子孫自行陳乞禮部仍行撫按勘明議覆若撫按官并所屬留難者聽禮部及該科參究

續文獻通考卷之一百三十二終

續文獻通考卷之一百三十三

皇明進士雲間王圻纂輯

王禮考 山陵 陵祭

宋

寧宗開禧三年成肅皇后夏氏崩殯于永阜陵正北時吏部尚書陵峻言伏覩列聖在御前有諸后上仙緣無山陵可祔是致別葬若上仙在山陵已卜之後無有不從葬者其他諸后葬在山陵之前神靈既安並不遷祔惟元德章懿皇后方其葬時名位未正續行追冊其成穆

皇后孝宗登極即行追冊改殯所為攢宮典禮已備與
元德章懿事體不同所以更不遷祔竊稽前件典禮祇
緣喪有前後勢所當然其于禮意却無隆殺今來從葬
阜陵為合典故從之 嘉定十七年帝崩謚冲聖嗣孝
皇帝已改謚仁文哲武恭孝皇帝葬永茂陵

理宗寶慶元年二月辛酉仁文哲武恭孝皇帝靈駕發引
皇太后行奉寧奉辭禮皇帝行啟奠祖奠禮奉辭皇城
門外行遣奠禮百寮辭于郊外 癸酉永茂陵掩攢
三年八月詔寧宗仁文哲武恭孝皇帝謚號見今六字

宜加上十字為十六字如祖宗故事令宰執侍從臺諫
兩省官禮官集議仍令禮官詳具典禮以聞 九月史
彌遠等集議加上徽號曰法天備道純德茂功仁文哲
武聖睿恭孝皇帝詔依議 紹定五年詔大行皇太后
陵寢當遵遺詔務從儉約諸路監司州府軍監寺止進
慰表其餘免進仍不得以助修奉攢宮為名有所貢獻
六年宰臣等恭上皇太后尊謚曰恭聖仁烈皇后詔
依右正言何琮奏皇太后山陵用度盡出宮中猶恐州
縣並緣動擾百姓乞飭有司通行曉諭嚴加禁止從之

續文獻通考
度宗咸淳元年謚大行皇帝曰烈文仁武安孝皇帝廟
號理宗三月葬于永穆陵

恭帝德祐元年正月葬度宗于永紹陵

端宗移師香山暫宮于馬南寶家后全氏崩葬梅花水坡
上其後帝崩于舟中葬壽星塘今莫知真陵所在史載
端宗葬于崖山此廣東瀕海地也號永福陵

右宋諸陵在紹興錢塘者一百一所元西僧楊璉真加
貪其寶物一朝盡發徽宗陵無骸骨惟一鉄燈檠而已
孟后髮長八尺餘有得之者崇奉祠堂大獲福祚理宗

項至截為飲器又欲以牛馬骨和諸陵骨築浮圖葬之
有義士林景熙唐珏潛移瘞蘭亭山後始免嗟乎其酷
至矣詳見忠節考義士傳

遼

太祖崩于天顯元年七月九日梓宮至皇都權殯于子城
西北二年八月葬于祖陵置祖州天城軍節度使奉陵
寢

太宗五年四月會同人皇王來朝詔先赴祖陵 八年

簡太皇太后崩九年二月葬德陵前二日發喪于叢塗

殿太宗具衰服以送建碑于陵殿 大同元年八月太宗皇帝崩于滦城九月葬鳳山陵曰懷陵 太宗之世謁陵者四

世宗天祿五年九月以弒崩應曆元年葬顯州西山陵曰顯陵

穆宗應曆五年六月應天皇太后崩十月命太師唐骨德治園陵十一月葬于祖陵 十九年三月穆宗以弒崩葬懷陵 穆宗之世謁陵者四

景宗保寧十年正月祭顯陵 乾亨四年九月景宗次焦

山崩十二月奉大行梓宮于叢塗殿

聖宗統和元年正月內外臣僚命婦並進助山陵費二月葬于乾陵時勃海槿馬解里以先帝厚恩乞殉葬詔不許賜物以旌以近侍郎掌飲伶人槿魯為殉葬與皇太后因為書附上大行皇帝又詣陵置奠命繪近臣于御容殿賜山陵工人物有差 四月辛丑謁三陵以東京所進物分賜陵寢官吏壬寅致享于凝神殿癸卯謁乾陵 八月己丑謁祖陵癸巳與皇太后謁懷陵九月十一月如之 是月又遣使奠熊肪鹿脯于乾陵之凝神

殿 十二月謁凝神殿遣使分祭諸陵 三年八月謁
乾陵者再命南北面臣僚分檢山陵林木命邢抱朴勾
檢顯陵 皇太后謁顯陵 十五年以後謁顯陵者五
謁乾陵者四致奠于祖懷二陵者二

興宗景福元年九月躬視慶陵 十一月甲午葬慶陵丙
申謁慶陵以遺物賜羣臣名其山慶雲殿曰望仙
重熙七年十二月命日進酒于大安宮致薦慶陵 八
年七月謁慶陵致奠于望仙殿迎皇太后至顯州謁園
陵 十二年九月謁望仙殿旋謁懷陵 十九年六月

謁慶陵明年亦如之又謁懷陵 二十一年謁祖乾二
陵 二十三年六月謁慶陵 二十四年八月帝崩于
南崖北峪行宮十一月葬于慶陵宋及高麗遣使來會
道宗時謁慶陵者十二謁祖乾二陵者二謁懷陵者一
清寧三年太皇太后崩葬慶陵 壽隆七年正月帝崩
于混同江行宮 六月葬帝及宣懿 皇后于慶陵
天祚帝時三謁慶陵三謁乾陵一謁慶陵 天祚没于金
不知歲月金皇統五年葬于廣寧府閭陽縣乾陵之旁
孟冬朔拜陵儀 有司設酒饌于山陵皇帝皇后駕至

敵烈麻都奏儀辦閣門使贊皇帝皇后詣位四拜皇帝
皇后率羣臣命婦循諸陵各三匝還宮翌日羣臣入謝
將葬上謚冊禮 先一日于葢塗殿西廊設御幄并
臣僚幕次大樂令展宮懸于殿庭協律郎設舉麾位至
日北南面臣僚輿昧赴葢塗殿先置冊寶案于西廊下
閣使引皇帝至御幄服寬衣皂帶臣僚班齊分班引入
饗殿合班立定引冊案上殿至褥位寶案次之設于西
階閣使引皇帝自西階升殿初行樂作至位立樂止置
徽使揖皇帝鞠躬再拜陪拜者皆再拜翰林使執臺盞
以進皇帝再拜引至神座前跪奠三樂作進奠訖復位
樂止又再拜陪拜者皆再拜引皇帝于神座前北面立
捧冊函者去蓋進前跪冊案退置殿西壁下引讀者進
前俛伏跪自通全銜臣讀謚冊讀訖俛伏興復位捧冊
函者置于案上捧寶函者進前跪讀寶官通銜跪讀訖
引皇帝至褥位再拜陪位者皆再拜禮畢引皇帝歸御
幄初行樂作至御幄樂止引臣僚分班出若皇太后奠
酒依常儀

葬聖宗禮

聖宗崩興宗哭奠于葢塗殿大行之久四

鼓終皇帝率羣臣入柩前三致奠奉柩出殿之西北門就輜輶車籍以素茵巫者祓除之詰旦發引至葬所凡五致奠太巫祈禳皇族外戚大臣諸京官以次致祭乃以衣弓矢鞍勒圖畫馬馳儀衛等物皆燔之至山陵葬畢上哀冊皇帝御幄命改火面火致奠三拜又東向再拜天地訖乘馬率送葬者過神門之木乃下東向又再拜翌日詰旦率羣臣命婦詣山陵行初奠之禮升御座殿受遺賜又翼日再奠如初

葬道宗禮 道宗崩天祚于小殮翼日遣北院樞密副

使林牙以所賻器物置之幽宮靈柩升車親王推之至食殺之次蓋遼國舊俗于此刑殺羊以祭皇族外戚諸京州官以次致祭至葬所靈柩降車就輦皇帝免喪服步引致長福岡是夕皇帝入陵寢授遺物于皇族外戚及諸大臣乃出命以先帝寢幄過于陵前神門之木帝不親往遣近侍冠服赴之初奠皇帝皇后率皇族外戚使相節度使夫人以上命婦皆拜祭循陵三匝而降再奠如初辭陵而還

金

元四年世宗親臨山陵免軍士久于屯
以不任勞操之人賜酒三三銀三兩有
臣孫順而危遂乃官于帝他如于即名
神之子也嗣以乃官日修矣

升祔太廟增謚——二十八年以思陵狹小改葬峨眉谷
仍號思陵 正隆元年七月命太保昂如上京奉遷始
祖 梓宮 十月乙酉葬始祖以下十帝于大房山閏
月己亥山陵禮成 是年至五年兩謁山陵 六年海
陵遇弒都督府以其柩置之南京班荆館至大定二年
葬于大房山鹿門谷諸王兆域二十年有司言其罪降
為庶人改葬山陵西南四十里

世宗大定二年正月如大房山享獻山陵 三年八月如
大房山薦享于睿陵 九月改葬睿宗皇帝遷梓宮于

盤寧宮十月如山陵謁睿宗皇帝哭盡哀 四年正月
以獵得頭鵝遣使薦山陵自是歲以為常 八月如大

房山致祭于山陵 七年八月如大房山致祭于睿陵

八年十月命涿州刺史兼提督山陵每以朔望致祭朔
則用素望則用肉以明年正月為始仍命圖畫功臣于
陵廟其未立碑者立之 二十一年二月上如春水元
妃李氏以疾薨詔御史中丞張九思提控殯事少府監
左光慶大興少尹王修典領鹵簿儀仗宮籍監別治殯
所還殯京師乙未入自崇智門百官郊迎親戚迎奠道

路殯于興德宮西位別室庚子上至京師幸興德宮致
奠比葬三致奠馬詔平章政事烏古論元忠監護葬事
癸未啟皇上輟朝皇太子親王宗室百官送葬甲申葬
于海王莊丙戌上如海王莊燒飯二十八年九月與賢
妃石抹氏德妃徒單氏柔妃大氏俱陪葬于坤厚陵
二十九年正月世宗崩皇太孫即位殯于大安殿三月
上尊謚四月葬興陵 八月謁奠諸陵 九月增守山
陵為二十丁給地十頃

章宗明昌四年九月如山陵致奠 泰和二年十月以封

昭宗皇后祔葬興陵
昭宗皇后祔葬興陵

皇子報謝于山陵

衛紹王大安元年正月上章宗尊謚二月葬道陵 九月

如大房山謁奠睿陵裕陵道陵

衛紹王被弒降封不知葬所

哀宗正大元年三月戊申奉安宣宗御容于孝嚴寺癸丑

葬德陵十二月宣宗小祥燒飯于德陵 八年九月慈

聖宮皇太后唐括氏崩遺誥園陵制度務從儉約十二

月葬明惠皇后天興元年四月明惠皇后陵被發失柩

所在遣中官往視之及元師許和始得以興衛宮女七

人出迎朔門奉柩至城下設御帳安置是夜復葬之

元成宗天德四年正月丙辰
皇太后崩即日祔葬先陵
七月甲戌朝石室石完澤陽上
經仁祖皇帝哀悼冊

哀宗為元兵所逼自焚于蔡州幽蘭軒奉御絳山收遺骨瘞之汝水上

徽宗皇帝天會二年薨熙宗追上尊謚改葬興陵

睿宗皇帝天會十三年薨世宗追上尊謚改葬大房山號

景陵

顯宗皇帝大定二十五年薨殯于南園熙春殿章宗即位追上尊謚陵曰裕陵

金 葬禮無考其上謚冊儀多因唐宋之舊然後世追謚者皆用吉禮不錄

元世七主皆葬起輦谷從諸帝陵 畧見國恤下

皇明

熙祖陵在今鳳陽府泗州城之北基運山洪武初上尊

號曰 祖陵設泗州祠祭署奉祀一員以朱氏世官朱

本宗人婚也又于基運山望祭

德祖 懿祖二陵置 陵戶二百九十三戶供洒掃每歲

長至正旦用太牢三清明中元孟冬及每月朔望用少

牢三本署官供祭行禮

仁祖陵在中都鳳陽府太平鄉洪武初上尊號曰 英陵

以天子歷代遷葬之禮也
皇乃七傷至窮天下之力以崇
山墳之傾天下財以滿在都至
於後宮之以殉埋葬墳上未札
而國即墟矣他如漢元帝陵復
埋殉貨物之為以澤用即位之
上供湯幣之半以復變死為
運及復形神畧而後如能無
有換子元初官裏用梳木二片
盤空其中一類人形小大各為
指置遺裡見中如盤漆軍則以
黃土為圈三圈空處至五色
比國宿之地深埋之用多馬就
平供草書方解嚴密已漫同
平地無復考法遺跡豈復為友
據景而後一其外

後復稱 皇陵設 皇陵衛并祠祭署署官奉祀一員
 祀丞三員以汪文為署令劉英為署丞專典祀事二人
 皆 上故里人也故 命世襲置 陵戶三千三百四
 十二戶供直宿洒掃于內選禮生二十四人供祭祀執
 事每歲長至正旦用太牢清明中元孟冬用少牢俱署
 官行禮朔望中都留守司官行禮弘治元年以來差內
 官一員奉 勅監護凡官員以公事經過者俱謁 陵
 太祖高皇帝陵曰 孝陵在南京鍾山之陽 高皇后馬
 氏合葬設神宮監并 孝陵衛及祠祭署每歲正旦孟

冬忌日 萬壽聖節俱行香清明中元冬至俱祭祀特
 令勲舊大臣一員行禮南京各衙門文武官俱陪行禮
 若 親王之國過南京者謁 陵官員以公事入城者
 謁 陵出城者辭 陵 國有大事則遣 大臣祭告
 太宗文皇帝陵曰 長陵在京師昌平縣之 天壽山
 文皇后徐氏合葬

仁宗昭皇帝陵曰 獻陵在天壽山 昭皇后張氏合葬
 宣宗章皇帝陵曰 景陵在天壽山 章皇后孫氏合葬
 英宗睿皇帝陵曰 裕陵在天壽山 睿皇后錢氏合葬

憲宗純皇帝陵曰 茂陵在天壽山 孝穆皇后紀氏合葬

孝宗敬皇帝陵曰 恭陵在天壽山

武宗毅皇帝陵曰 康陵在天壽山 孝靖皇后夏氏合葬

葬

世宗肅皇帝陵曰 永陵在天壽山 孝烈皇后方氏合葬

穆宗時以 孝潔皇后陳氏遷祔 永陵

穆宗莊皇帝陵曰 昭陵在天壽山 孝懿皇后李氏合葬

諸陵各設神宮監并衛及祠祭署凡清明中元冬

至祭祀俱分遣駙馬都尉行禮各衙門文武官陪祭忌

辰及正旦孟冬 萬壽聖節亦遣駙馬都尉行禮 親

王之國詣 諸陵辭謝

按 九陵各置陵衛神宮監祠祭署如 孝陵正旦酒

果清明中元冬至聖旦太宰分遣勳戚大臣祀愍忌太

宰專遣勳戚大臣祭

恭仁康定景皇帝陵在西山清明中元冬至及忌辰俱遣

儀賓行禮

孝陵 長陵 獻陵 景陵 裕陵 茂陵 凡陪葬

諸妃歲時俱享于殿前有別葬諸妃俱遣內官行禮

孝讓胡皇后陵 景皇帝后二陵 世廟孝潔皇后繼

張后二陵 憲廟廢吳后 諸帝妃 懷獻世子 悼

恭太子 哀冲太子 莊敬太子 越靖王及貞惠妃

吳氏 秀懷王及妃黃氏 衛恭王及貞烈妃楊氏

蘄獻王 滕獻王 許悼王 忻穆王 申懿王 雍

靖王 岐惠王 涇簡王 蔚悼王 穎殤王 薊哀

王 戚懷王 均思王 景王 永清公主 長泰公

主 仙遊公主及諸阿保夫人墳 南京韓憲王張順

妃李麗妃墳 已上俱葬西山歲時遣內官行禮

壽春王同妃劉氏 霍丘王同妃翟氏 下蔡王 安

豐王同妃趙氏 蒙城王同妃趙氏 蒙城王同妃田

氏 寶應王 六安王 來安王 都梁王 英山王

已上俱國初追封墳在鳳陽府西北二十五里地名白

塔設祠祭署陵戶

南昌王同妃王氏 盱眙王同妃唐氏 臨淮王同妃

劉氏 山陽王 招信王 已上俱國初追封祔葬鳳

陽 皇陵有司歲時祭祀皆與享其分封 諸王葬于

本封之國者其子孫自主祭祀此不具列

西內老佛 正統五年十二月廣西思恩州知州岑瑛
遇一老僧于道從者呵之不避詰其度牒乃楊應能也
自言此非吾姓名自金川失守大內火內吾遂潛由地
道以出自湖湘入蜀至雲南復至閩最後入廣西至橫
州南門壽佛寺居居十五年僧徒歸者日衆吾復遁往
南寧陳步江一寺而歸者復如之乃又去南寧雲遊四
方以度歲月迤邐至此淪落江湖垂四十年老朽待盡
早晚入土無能為矣願送骸骨歸瑛大駭聞于巡按御

史奏之驛送赴京號為老佛途次賦詩云淪落江湖四
十秋歸來白髮已蒙頭乾坤有恨家何在江漢無情水
自流長樂宮中雲氣散朝元閣上雨聲愁新蒲細柳年
年綠野老吞聲哭未休及至京 朝廷未審何人以尚
膳太監吳亮建文時內使也使之審視老佛亮見即曰
不是曰我昔御便殿時棄片肉于地汝伏地銜食之何
謂不是聞楊士奇尚在能出一認乎亮佯為不知已而
復 命遂取老佛入西內壽終葬西山不封不樹
按弘治中禮部主事楊循吉嘗奏請追謚 建文君以

續文獻通考
景皇帝及元順帝為比謂順帝知天命歸我 太祖
遂避位而去其沒也得謚為順况 建文君又非勝國
可擬者以親親言之固當視 景皇以避位言之尤當
視順帝追謚之典豈容已哉伏覩天順初 英廟憫建
庶人無辜釋囚聽其婚娶出入 萬曆改元 詔復死
事諸臣祀于其鄉則加 建文謚號比諸 景帝似于
典禮為當

睿宗獻皇帝陵曰 顯陵在湖廣承天府之松林山

今號純德

府

獻皇后蔣氏合葬建 享殿設神宮監 顯陵衛

祠祭署置奉祀一員以戚屬為之 給署印設禮生二

十四人供祭祀執事 陵戶六十戶供洒掃校尉二十

名供巡視 十八年陞戚屬為都督僉事給 欽差純

德山掌初閔防職專守護始于太常寺選補奉祀及增

祀丞一員如 七陵之制 二十七年照 長陵制設

左司樂一員右司樂三員佻長四名色長十四名教坊

師十六名供祀鑄給 顯陵供祀教坊司印信每歲清

明霜降 二聖忌辰遣鎮守湖廣勲臣行禮勲臣有故

以守護奉祀官代行奉祀官有故則分守官代 聖旦

正旦中元孟冬冬至遣守護奉祀官行禮

恭讓章皇后陵寢在金山祭遣內官行禮嘉靖二十五年

今于 未央宮莊田六百五頃九十七畝內量撥一半

供奉香火

景皇后陵寢與 景皇帝合葬祭遣儀賓行禮今遣駙馬及皇親

憲廟廢后吳氏葬金山祭以素羞遣內官行禮

世廟繼后張氏葬金山祭以牲醴遣內官行禮

孝陵四十妃嬪惟二妃葬陵之東西餘俱從葬

長陵十六妃俱從葬

獻陵七妃三葬金山餘俱從葬

景陵八妃一葬金山餘俱從葬

裕陵以後妃無從葬者以 憲宗遺 命罷殉葬也

裕陵十八妃一葬綿山餘俱金山

茂陵十四妃一葬陵之西南餘俱金山

康陵二妃葬金山

顯陵一妃葬金山

永陵三十妃二十六嬪惟五妃葬 天壽山之襖兒峪

餘俱金山

昭陵諸妃葬金山 先是妃皆自為墳 憲廟十三妃始同為一墓嘉靖三十年以古世嬪御妻皆九宜九妃為一墓同一享殿內作七寶兩廂等各備于是金山預造五墓墓各九數以次葬焉先是從葬諸妃歲時俱享于殿內其別葬者俱遣內官祭以牲醴嘉靖十七年春二月戊辰 上如天壽山祀 陵始 命併入各陵從祭 稜恩殿之兩傍以紅紙牌書曰 大明某宗皇帝第幾位之妃祭畢焚之至 隆慶六年改造木位刻列名號置 各陵永遠從祀其 世廟諸妃並遷

祔 永陵各置木位配享

外戚王墳

楊王墳在鳳陽府盱眙津里鎮洪武初設盱眙祠祭署置墳戶三百一十戶

徐王墳在鳳陽府宿州新豐里洪武初設宿州祠祭署置墳戶九十三戶

滁陽王墳在直隸滁州洪武初立廟墳所置墳戶以奉祭祀

昌平山陵事例

成祖永樂七年五月己卯營山陵于昌平縣遂封其

山為天壽山時成祖擇壽陵久不得吉壤而

仁孝皇后尚未葬禮部尚書趙玘以江西地理術人

廖均卿至昌平徧閱諸山得昌平東黃土山最吉成

祖即日臨視定議封為天壽山二十二年十一月

成祖葬長陵帝后下有十六妃祔

仁宗洪熙元年九月仁宗葬獻陵帝后下有七妃祔

宣宗宣德五年二月乙未上奉皇太后率皇后謁

長陵獻陵車駕發京師三月壬寅駐蹕陵

下開平守將陳邊務數事上舉其屯田守備可行者

付所司施行戊申上奉皇太后率皇后還京

師十年六月戊申葬宣宗于景陵帝后下有七妃祔

按天壽山七陵惟景陵規制獨小至嘉靖十五年稍

大之

英宗天順八年二月葬英宗于裕陵

憲宗成化四年九月庚申祔葬孝莊睿皇后于裕陵

后下有十八妃祔二十三年十月壬午奉憲宗

皇帝梓宮葬于茂陵帝后紀皇后邵皇后下

有十四妃祔

孝宗弘治元年夏四月 天壽山大風電 上遣官祭告

戒諭羣臣修省 十八年六月奉安 孝宗于 泰

陵 惟 帝后二寶山無妃祔

武宗正德十三年夏四月朔 上以 大行太后梓宮將

祔葬親詣 天壽山祭告 六陵 十六年五月 武

宗葬 康陵 帝后下
一妃祔

世宗嘉靖十一年 皇陵祠祭署民田學言臣等三千六

百家編視 皇陵供醴漿直灑掃宣德中設守 陵太

監盜行箕斂 陵戶流移乞革太監以甦困憊 上特

命內臣勿預民事其勿革 十五年三月擇壽域奉

皇太后同謁 萬壽山陵 上躬行春祭禮 夏四月

作幽宮 上幸西山視工 命春以清明秋以霜降遣

官行禮各衙門官陪祭其中元冬至等節遣官行禮俱

不陪祭 九月 上躬行秋祭禮自 奉慈殿遷 孝

肅皇后神主于 裕陵 孝穆皇后 孝惠皇后神主

于 茂陵躬行奉慰禮 十七年二月 上躬行春祭

禮改 陵殿曰 祫恩殿門曰 祫恩門四月建 成

祖文皇帝 聖蹟亭于平臺山率從官行祭禮 四十

六年正月 世宗葬 永陵

穆宗隆慶元年正月丙寅禮部會議 陵葬之禮曰 宣

宗以前 陵寢合葬皆止一后至 裕陵則 二后同

祔葬 茂陵則 三后同祔葬今 孝潔皇后為 皇

考元配禮應合葬 永陵 皇考發引宜先奉 孝潔

皇后梓宮于 永陵與 聖母 孝烈皇后梓宮同日

祔葬 二年二月丁未 上詣 天壽山展謁 諸陵

諭戶部曰朕躬奉春祀式弘 先德以惠民生所過

地方其量免本年田租尚書馬森等請覈昌平州宛平

大興二縣地凡建設 行宮及屯營軍為開除馳道者

免十分之五所過者免十分之三 上允之仍命查所

毀民房亦量予價值以示軫卹 六年十二月穆宗葬

昭陵

遣祭山陵事例

太祖吳元年丁未夏四月 仁祖忌日 太祖詣 太廟

祭畢退 御便殿泣下不止顧謂起居注詹同曰往者

吾父以是月六日亡兄以九日亡母以二十二日亡一

月之間三喪相繼人生值此其何以堪終天之痛念之罔極愈嗚咽不勝左右皆感泣既而命太子及諸王往鳳陽展奠皇陵臨遣惻然命之曰吾祖宗去世已遠吾父母又相繼早亡每念劬勞鞠養之恩惟有感泣而已今日雖尊為天子富有四海致敬盡孝為一日之奉不可得矣哀慕之情昊天罔極今鳳陽陵寢所在特命爾等躬詣致祭以代朕行孔子曰事死如事生事亡如事存爾等識之洪武丙寅命皇太子至盱眙縣修德祖玄皇帝玄皇后懿祖桓

皇帝桓皇后熙祖裕皇帝裕皇后諸陵寢遂葬衣冠上親為文祭告之時陵寢已備至是乃命製袞冕服遣皇太子代禮祭祭文曰嗚呼昔者列祖立命是方積德深長致天昭鑒福垂後嗣今也子孫蕃衍宅于宇內以統黔黎深思皇考生前歲月之艱思念列祖音容孫常切記已有年矣嗚呼以萬幾之冗未獲躬詣拜掃今特遣玄孫皇太子以牲醴之奠詣陵修繕敬葬衣冠以伸孝思神其鑒之乙卯冬十月詔定陵寢朔望節序祀禮時禮部學士樂韶

鳳等奏每歲元旦清明七月望冬夏二至日用太牢其

伏臘社每歲朔望日則用特羊祠祭署官行禮如節與

朔望伏臘社同日則用節禮從之後清明中元冬至日祭列聖陵寢分遣

勲戚大臣行禮翰林官二員陪祭十五年夏遣使訪帝王陵寢先是

上閱宋史見宋太祖詔修歷代帝王陵寢嘆曰此

美事也遣翰林編修蔡立侍儀舍人李震亨陳敏于謙

等四方求之仍命各行省之臣同諸所在審視若有

廟祀并具圖以聞于是陳州有伏羲氏商高宗孟津漢

光武鄭州周世宗鞏宋太祖太宗真宗仁宗鄆神農氏

寧遠舜帝延安軒轅氏西安周文王武王成王康王漢

高祖景帝咸寧漢文帝興平漢武帝長安漢宣帝富平

後魏文帝扶風隋高祖三原唐高祖醴泉唐太宗滿城

唐憲宗涇陽唐宣宗滑縣高陽氏高辛氏內黃商中宗

順天元世祖東平堯帝曲阜少昊氏趙城媯皇氏滎河

商湯王會稽夏禹王宋孝宗凡三十六陵是年遣官

行視帝王陵寢遂禁樵牧設守陵戶陵二人三歲一傳

制遣道士奉香詣諸陵令有司致祭皇帝即位遣官

祭告嘉靖中又有武功姜源后稷之祠慶都堯母之祠

續文獻通考
二十六年 令車馬過 陵者及守 陵官民入
陵者百步外下馬違者以大不敬論

成祖永樂元年 太祖高皇帝忌辰 上率諸王 奉先
殿祭畢仍率百官躬詣 孝陵致祭公侯駙馬伯文武
四品以上及近侍官于殿前行禮五品以下官于門外
行禮 二年五月己酉錦衣衛奏明日 上詣 孝陵
請具 法駕 上曰不用但以騎士數人前導已而顧
侍臣曰明日 皇考忌日正屬感慕之時何用 法駕
非為辟除道路則前導騎士亦不可用 十七年十一

月丁巳甘露降 孝陵松柏三日

按 孝陵四十妃嬪祔葬 陵設神宮監 孝陵祠祭
署冬至太牢正旦清明中元 帝后愍忌 聖旦酒果
勲戚大臣一人奉祀事 國有大事遣大臣祭告 孝
陵東有 懿文太子陵祀禮視 孝陵四孟歲暮忌辰
加牲署官行事

英宗正統元年 諭禮部每遇山 陵祭祀之日與百官
俱具淺色衣服 二年 諭都察院天壽山 祖宗陵
寢所在敢有剪伐樹木者治以重罪家屬發邊遠充軍

即出榜禁約仍令錦衣衛官校巡視工部同欽天監官
環山立界界外聽民樵采

憲宗成化九年奏准南京 孝陵祭祀凡文武大小官員
有不赴者令御史糾察 十五年 令鳳陽 皇陵皇
城并泗州 祖陵所在應禁山場地土巡山官軍務要
用心巡視不許伐樹取土石開窖燒造燒山及于 皇
城內外耕種牧放作踐有犯者正犯處死家口俱發邊
遠充軍有科歛銀兩饋送不用心巡視及守備留守等
官貪圖賄賂不嚴加約束以致下人恣肆作弊不能禁

治者一體重罪 是年尊上 仁祖陵曰 英陵時禮
部尚書崔亮以既 上尊號請行祭告禮太常博士孫
吾與奏云漢唐故事其于祭告之禮并無且 廟號與
陵不同 廟號是易大行之號不祭告不可故必上
冊謚以告之神明若 陵之有號則從之嗣王所以
識別先陵而已故歷代皆不以告今 英陵加號亮欲
行祭告臣竊以為非宜亮駁之曰加上陵號尊歸先世
考之典禮如漢光武加上先陵曰昌宋太宗加上高祖
陵曰欽曾祖陵曰康祖陵曰定考陵曰安蓋創業之君

經文獻通考
尊其祖考則亦尊崇陵陵既尊其陵亦必以告禮緣人情加 先帝陵號而不以告 先帝者非人情也臣以為告之是 上勅廷議僉曰亮議是遂遣太常行告祭禮

山陵躬祭儀 一先期太常寺備告 廟及祀 陵祭品如常儀翰林院撰祭告文錦衣衛設 丹陛儀衛扈行兵部奏請 簡命文武大臣居守京師請 勅行事及奏請直守 皇城四門京城九門分調提督武臣守各山門閑隘選點扈 駕軍馬奏差科道官點闈戶部

閑給扈從官軍行糧工部差官修理橋梁道路光祿寺預備 御膳酒飯供具教坊司備大樂五府及九卿衙門正官司屬官各一員太常寺鴻臚寺堂屬官光祿寺太僕寺卿翰林院學士并日講官國子監祭酒順天府府尹六科官六員十三道官十三員俱從凡在途供事以便衣朝叅以吉服前期一日 上率 后妃告于

廟至早免朝 駕發由 長安左門 后妃輦轎由

東安門出扈從官前行居守官同文武百官俱吉服趨

德勝門外候送

駕過退

駕至

行宮

在今鞏華城

進膳

畢 陞座從官朝見行叩頭禮如常儀次早早從官朝

叅奏事畢鴻臚寺官引昌平州官吏師生及公差有事

官員見行五拜三叩頭禮朝罷從官先行至 天壽山

行宮候 駕 駕發 后妃從後至 天壽山紅門

上降輦由左門入 駕至行宮今名感思殿進膳畢 上出

陞座從官行叩頭禮畢 退次日早從官朝叅奏事如

常儀一致祭是日免朝質明 上具青袍恭詣 長陵

致祭如常儀隆慶二年仍詣 永陵 昭陵各行禮 遣官

六員青服各詣 陵行禮從官俱青布服恭詣 長陵

陪祀祭畢先趨赴行宮候 駕每日早朝叅奏事如常

儀 一回 鑿是日早免朝從官先行至沙河 行宮

候 駕 駕至從官行叩頭禮如常儀次日早從官朝

叅奏事畢鴻臚寺官引昌平州官吏師生辭行禮如常

儀朝罷從官先還 駕由德勝門入文武百官及軍民

耆老人等俱于門外候迎居守文武大臣伏謁 駕前

致詞行叩頭禮教坊司大樂鼓吹振作 駕入告 廟

謁 皇太后禮畢隆慶二年發京前一日及還京日並謁告 奉先殿 世宗 凡筵 弘孝

神霄 二殿 還 宮越二日 上御奉天門文武官各具

吉服致詞行禮 山陵遣祭儀 陳設用牲醴贊引引

遣官由 殿右門入典儀唱執事官各司其事贊引引

遣官就拜位執事捧香盒至香案贊引贊詣前導遣官

至香案前贊跪贊上香遣官三上香訖贊復位贊四拜

通贊衆 官同 典儀唱奠帛行初獻禮執事捧帛爵各跪獻于

御案前訖贊跪 通贊衆 贊讀祝讀訖贊俯伏興平身

通贊衆 官同 典儀唱行亞獻禮 儀同初獻惟 唱行終獻禮 儀

亞 贊四拜 通贊衆 官同 典儀唱讀祝官捧祝進帛官捧帛詣

瘞位贊禮畢

各陵祝文

清明霜降曰時維 仲春雨露既濡 追念 深恩不勝 怵

悽 謹用祭告伏惟尚 享

中元冬至曰氣序流邁時維 中元 追念 深恩伏增哀

感謹用祭告伏惟尚 享

凡祝文皆備書 謚號其文皆同但隨 陵異稱

顯陵祝文

清明霜降曰維某年某月某日 孝子皇帝 御名 謹遣

某官敢昭告于 皇考睿宗知天守道洪德淵仁寬穆

純聖恭儉敬文獻皇帝 皇妣慈孝貞順仁敬誠一安

天誕聖獻皇后尊靈曰時維仲春雨露既濡瞻望 園

陵不勝悽愴謹用祭告伏惟尚享

中元冬至曰氣序流邁時維中元冬至追念 深恩益增哀

感謹以牲醴庶品用申祭告尚享

忌辰祝文曰惟我 皇考 皇妣諱日之辰瞻望 德

恩不勝伏增哀感謹用祭奠伏惟尚 享今稱孝曾孫皇曾祖考妣

恭讓章皇后祝文 孝玄孫嗣皇帝御名謹遣某昭告

于 恭讓誠順康穆靜慈章皇后尊靈曰日月不居仙

逝益遠茲遇某節不勝追慕謹用祭告伏惟尚 享

景皇帝后祝文 姪玄孫嗣皇帝御名謹遣某官敢昭

告于 恭順康定景皇帝 貞惠安和景皇后曰節序

流邁時維某節追念親親良增傷感茲以牲醴用修時

祭伏惟尚 享

世宗奉 皇太后謁 陵儀 先期太常寺具酒果脯

醢翰林院撰告辭 上至 長陵行謁告禮 皇太后

率 皇妃入女官奏就位行四拜禮奏上香女官捧香

皇太后三上香訖奏復位跪 皇太后跪 皇妃皆

跪 皇太后之左讀祝官跪于 上後讀訖奏興四拜
 禮畢次詣 獻陵 上先謁告仍奉 皇太后謁如前
 儀次謁 景陵同明日徧謁 裕陵等四陵亦如之
 上還往西山拜 恭讓章皇后及 景皇帝后各 陵
 寢行三獻禮又遣官前詣 孝陵 顯陵行祭告禮
 世宗 駕幸承天府謁 陵儀 前期太常寺陳設牲
 犢酒醴香燭制誥 上具常服詣 陵由 陵左門入
 殿左門內贊奏就位奏上香奏四拜奏奠帛行初獻禮
 贊讀祝奏跪讀祝官讀畢奏俯伏興平身奏行亞獻禮

帛

終獻禮如儀奏四拜焚祝帛禮畢從一 駕官及撫按等
 官俱吉服陪拜 祝文 維某年 某月 某日 孝子皇
 帝 御名 敢昭告于 皇考睿宗知天守道洪德淵仁寬
 穆純聖恭儉敬文獻皇帝尊靈曰仰惟 皇考玄德
 帝忻流慶小子丕緒天位十有八年南瞻 嚴寢罔盡
 展祀之孝適以 陵園事重 躬事來此敬申祭告伏
 惟 聖靈歆鑒俯納孝思謹告

